

Dairi - Simerandal-Simeroha Pikiren Bibèl - Good-Bad Mind Scriptures

Simerandal Pikiren Bibèl - Good Mind Scriptures

Markus 5:15 Idahi kalak i mo Jesus, iidah kalak i mo nisellapen sètan idi kin kundul i sidi. Enggo mo merroles ia janah enggo terrus ukurna. Gabè mbiar mo kalak idi karinana.

Lukas 8:35 Merrohen mo kalak lako menengen simasa i. Idahi kalak i mo Jesus, gabè iidah kalak i mo enggo malum siniselluken tendi jahat idi kin kundul i gembar nèhè Jesus. Enggo mo merroles ia janah enggo merpikiren nterrang. Gabè buradan mo kalak idi karinana.

Ulaan Apostèl 17:11 Burjuun ngo kalak Berea dari pada kalak Tesalonika, ai nggasang ngo atè kalak i mendengkohken berita tersèngèt Jesus, janah gennep ari ngo irisiki kalak i Bibèl, barang tah tuhu ngo nipeddahken si Paulus i.

Ulaan Apostèl 20:19 Mengula ngo aku bai Tuhan idi ibagasan ukur ncerrep merdengan èluh menggongken kinidersa kumarna taki jahat siroh bai kalak Jahudi nai.

Rom 7:25 Mellias atè mo bai Dèbata merkitè-kitè Jesus Kristus Tuhanta i. Ai kuuèi ngo pati-patiin Dèbata ibagasan batinku, tapi kuulaken ngo patiin dosa ipas dagingku.

Rom 8:6 Mula irajai bakko jelma ngo perukuren ndènè, mi kemmatèen ngo ujungna i. Tapi mula ikuasai Tendi Dèbata pikiren ndènè, nggelluh bak merdamè dekket Dèbata ngo ujungna.

Rom 8:27 Nai idah Dèbata simengidah pusuh peratèen kejelmaan i ngo nihendakken Tendi i; kerna nrepidoken Tendi taba Dèbata siperlu bai ummat Dèbata ngo, janah rembang ngo i mi sinipergeddo atè Dèbata.

Rom 11:34 Bagè sitersurat i: Isè memettoh pikiren Tuhan i? Isè pennah memmeddahiSa?

Rom 12:2 Ulang dos cara ndènè dekket dunia èn. Paduè mo Dèbata perimbaruken diri ndènè, asa gabè mobah. Nai merkitè bagidi gabè terbaing kènè mo memettoh lembo atè Dèbata -- imo kadè mendè ikesampangken atè Dèbata janah sondel kinimerandalna.

Rom 12:16 Sada mo orjok ndènè samah kènè. Ulang ndates ukur merpengelako, tapi pessobok mo dirimu mi kecereppen. Ulang mpantaser kono dok atèmu ipas situhunna nai.

Rom 14:5 Lot ngo dèba merdok atè, merkesurungen ari sisada bai ari sisada nai, tapi lot ma ngo dèba mengakap dos ngo karinana ari. Belli mo kalak i menentuken memmes pikirennna sendiri!

Rom 15:6 asa merkitè sada kata sada orjok kènè, memmoji Dèbata Bapa ni Tuhanta Jesus Kristus.

1 Korintus 1:10 Tapi kupido bai ndènè alè dengan merkitèken gerar Tuhanta Jesus Kristus, tettap mo kènè karinana sada kata; asa ulang lot perselisihen i tengah-tengah ndènè. Kennah mersada kata kènè, sada ukur janah sada pikiren.

1 Korintus 2:16 Ai tersurat ngo ibas Bibèl: "Isè kalak memettoh pikiren Tuhan i? Isè ndorok mengajariSa?" Tapi ukum kita, perrukuren Kristus idi ngo enggo lot banta!

2 Korintus 7:7 Lolo kami, oda ngo pellin kumarna pekkiroh si Titus, tapi dekket ngo kumarna penjalo ndènè bana bak ibagahken bai nami terrèngèt kènè; imo nteddoh ndènè naing pejumpa dekket aku, bagi ma pè terrèngèt enggo peselsel kènè, janah gabè mertuhu-tuhu kènè membèla aku. Idi ngo memmaingken lebbih lolo atèngku.

2 Korintus 8:12 Mula lot ngo sura-sura ndènè naing memerrèken, ijalo Dèbata ngo siniberrèken ndènè idi merguru mi lotna bai ndènè, oda merguru mi siso lot bai ndènè. (1 Kronika 28:9)

2 Korintus 9:2 Ai kubettoh ngo ukum kènè nggasang ngo mengurupi bagè sienggo kubagah-bagahken taba kalak Makedonia. Ai kubagahken ngo bai kalak idi, ukum kènè per Akhaya, i tahun buari nai ngo kènè dak enggo memerrèken pengurupiin; janah kemmulihken nggasang ndènè i, enggo mo kèkè dèba perrukuren kalak idi.

2 Korintus 13:11 Èn pè alè dengan! Dak nggasang mo atè ndènè, janah uè mo kènè pehèdu-hèduun asa gabè ntegguh. Jalo kènè mo peddah janah sipesèngètku èn. Sada ukur mo kènè janah mersada ibagasan kedamèen. Idengani ngkelleng atè dekket damè ni Dèbata mo kènè.

Epesus 4:23 Kennah iperembaru ngo pikiren dekket pennarihen ndènè karinana.

Pilipi 2:2-5 Kerna naidi domi kènè mo sampang atèngku merkitèken: Dak sada atè sada orjok mo kènè janah mersikekelengen bak dos ukur. 3 Ulang merdikkan barang mengakut mi diri bang tunggang. Tapi karina mo kènè merukur ncerrep, janah radumi mo lot ngo kesurungen dengan i bamu nai. 4 Ulang mo siperlu bamu sambing pikiri, tapi dekket mo pikiri siperlu bai dengan. 5 Bagè perukuren Jesus Kristus mo perukuren ndènè:

Pilipi 4:2 Kènè alè turang Euodia dekket si Sintikè! Memmes kupido bai

ndènè asa sada orjok kènè bagè dengan sipercaya bai Kristus i.

Pilipi 4:7 Nai damè Dèbata sitermurmur ibas karina perukuren, imo menjamoti atè-atè dekket pikiren ndènè ibagesen Kristus Jesus. (Jesaya 26:3)

Kolose 3:12 Kerna naidi kènè alè sienggo gabè ummat Dèbata janah nipilihna. Kennah gabè permasèh atè ngo kènè, perrukur mendè, merrukur ncerrep, melamlam janah mbingit.

2 Tesalonika 2:2 Ulang mèter ndor jut ukur ndènè janah bulisah, kumarna lot bertikna enggo dapet tikkina roh Tuhan Jesus mengolihi. Tah bakunè bertik idi roh merkitè alaten barang pè arap sada peddah barang idokken dèba nung nina kusuratken kami bagidi ipas surat nami.

2 Timoteus 1:7 Kerna ukum Tendi siniberrèken Dèbata banta i, oda ngo Tendi memmaing kita asa gabè buradan. Tapi memmaing kita gabè mergegoh ngo, dom masèh atè janah merpengerrem.

Titus 2:6 Pessèngèt ma mo bang simatah daging pè, asa metemman pengelakona.

Heber 8:10 Tapi bagèndari èn mo padan sikupadanken bai bangsa Israel, sinaing Kuberrèken i luas; tikan ari perpodi, nina Tuhan i. Kuberrèken mo pati-patinKu mi bagesen pusuh peratèen kalak i, janah kuokirken mi bagesen atè-atè kalak i. Aku ngo gabè Dèbata kalak i, janah kalak idi mo gabè ummatKu.

1 Petrus 1:13 Kerna naidi, kebbasi kènè mo ukur ndènè, nterrang mo pikiren ndènè; mertuhu-tuhu mo kènè mengharap masèh atè si nibasabasakenna bai ndènè, tikan roh kessa Jesus Kristus.

1 Petrus 5:2 asa permakani kènè mo biri-biri siniberrèken Dèbata, ulang mo kumarna oda terjua. Ulang ma mo kumarna pellin naing menjalo laba bak upah, tabi kemulihken ukur ndènè tutus mo lako mengendengken.

2 Petrus 3:1 Tosè bagè arnia enggo roh guru-guru palsu mi tengah-tengah ummat Dèbata, bagi ma ngo bang mi tengah-tengah ndènè pè, kennah roh ngo guru-guru palsu. Iajarken kalak i ngo siso tuhu lako mencèdai jelma, janah ipersomada kalak i ngo Tuhan sienggo menebbussa; nai gabè iabinken kalak i ngo kemmagoon i ndor sangkem mi dirina.

Jakobus 1:17 Sagumanna pemerrèken merandal dekket mendè basa bai Dèbata ni sorga i nai ngo rohna i, simenghanaken kecihuren i langit i. Ia ngo Dèbata siso mobah-obah, janah oda uè mennadingken kita, gabè tading pellin lèndung sambing i gembarta. (Job 23:13)

Alamat 17:9 Isèn perlu ngo pengantusiin. Ukum takal sipitu i, imo pitu delleng bekkas daberru i kundul. Janah pitu raja ngo i,

Simeroha Pikiren Bibèl - Bad Mind Scriptures

Markus 7:21 Kerna sikaruar bai jelma idi nai, imo ipas pusuh perratènna nai tubuh pikiren-pikiren jahat memmaingken asa iulaken ulaan cubellek daging, menangko, memmunuh, (Hizkiel 38:10)

Lukas 12:29 Kerna nai, ulang mo kelsohen kènè kumarna pangaan mada lot barang pè ènumen ndènè.

Ulaan Apostèl 12:20 Melaga kalohoon ngo si Herodes taba kalak Tirus dekket Sidon, kumarna i roh mo kalak i rebbakken mengadepsa. Idahi kalak i mo perlebbè si Blastus kettoken si Herodes asa kan kalak i ia. Nai laus mo kalak i mendahi si Herodes mengèlèk-èlèksa asa merdamè, kumarna mergantung mi nagerri si Herodes ngo pangaan kalak i.

Ulaan Apostèl 14:2 Tapi dak ipejuju janah igara-garai kalak Jahudi simenulak kata i mo ukur kalak siso Jahudi, gabè nggerger mo atè kalak i midah kalak sienggo percaya bai Jesus.

Rom 1:28 Kumarnaken oda ikerencetken kalak idi nèngè menandai Dèbata, gabè ibelli Dèbata mo kalak i mi pikiren-pikiren ncèda nai ibahanken kalak idi mo siso patut,

Rom 8:6,7 Mula irajai bakko jelma ngo perukuren ndènè, mi kemmatèen ngo ujungna i. Tapi mula ikuasai Tendi Dèbata pikiren ndènè, nggelluh bak merdamè dekket Dèbata ngo ujungna. 7 Barang isè irajai bakko daging pikirennna, mermusuh ngo ia taba Dèbata; oda uè tunduk kalak sibagidi mi pati-patiin Dèbata; ai oda terbaing kalak sibagidi menguèi pati-patiin Dèbata.

Rom 11:20 Uè, tuhu ngo i! Kumarna oda percaya ngo kalak i asa iagoi; janah kumarna percaya ngo kènè asa ijalo. Jadi ulang mo kono gabè gegah, tapi merkebiaren mo.

2 Korintus 10:5 kurumpakken kami ngo nasa ukur ntudak simengilakken sibennar bai Dèbata nai. Kutaban kami ngo pikiren ni dèba, janah gabè penguèi kalak i taba Kristus.

2 Korintus 11:3 Tapi sangsi aku, tah bakunè mulak matah pikiren ndènè gabè oda metemman taba Kristus, tosè bagè si Hawa arnia, tergoda ibakin taki-taki bècuk nipè i.

Epesus 2:3 Tosè bagè kalak i ngo kita arnia, dak ngo siulaken cubellek dagingta bak mengulaken taki-taki ukurta lako pesennangken daging bak pikiren. Jadi kita pè jelma sikenna pungur Dèbata ngo tosè bagè kalak sidèban i.

Epesus 4:17 Èn ngo sikudokken memmes ibagasan Tuhan i, Ulang nèngè mo kènè merpengalako bagè kalak siso menandai Dèbata, simemikirken siso puna-puna.

Kolose 1:21 Ukum arnia, ndaoх ngo kènè bai Dèbata nai. Musuh ndènè ngo Dèbata kumarna pengelako dekket pikiren ndènè jahat i. (Codiin 21:27; Hizkiel 23:17)

Kolose 2:18 Ulang belli kènè diri ndènè irogiken kalak sipakulah-kulahken peteruhken dirina janah mersembah taba malaèkat-malaèkat. Gabè gegah ngo kalak i kemulihken pikiren-pikiren tanoh èn janah mengasang-asangken alaten-alaten siniidahna,

1 Tesalonika 5:14 Kupido kami dèng ma taba kènè alè dengan, asa pincang kènè kalak siso uè karèjo. Pepos kènè mo ukur kalak simbiar; urupi kènè kalak siperlu urupen, janah merpenganju mo kènè taba karina jelma.

2 Tesalonika 2:2 Ulang mèter ndor jut ukur ndènè janah bulisah, kumarna lot bertikna enggo dapet tikkina roh Tuhan Jesus mengolihi. Tah bakunè bertik idi roh merkitè alaten barang pè arap sada peddah barang idokken dèba nung nina kusuratken kami bagidi ipas surat nami.

1 Timoteus 6:5 bagi ma persilisihen siso mengadi-ngadi bai jelma sienggo ncèda ukurna. Ai idokdok ndorok gabè bèak ibas agama i nai.

2 Timoteus 3:8 Tosè bagè si Janès dekket si Jambrès mengalo si Musa arnia, bagi ma ngo kalak sibagidi mengalo peddah siroh bai Dèbata nai. Ai enggo ncèda pikiren kalak i, janah oda lot nèngè kepercayanna.

Titus 1:15 Mpanting ngo sagumanna bai kalak simpanting. Tapi ukum bai kalak perukur macik janah siso percaya bai Dèbata, oda lot barang kadè pè mpanting, kerna enggo melamun ukurna bak pikirennna pè!

Heber 12:3 Pikiri mo bakunè mpiahna iakap Jesus menahanken peraloon sibagidi bai kalak simengalosa nai. Kerna naidi ulang mo kèdèk atè ndènè janah ulang mendellè.

Jakobus 1:7/8 Janah kalak sibagidi, oda hot pikirennna; oda tertentukensa barang kadè pè. Kerna naidi ulang mo iharapken kalak sibagidi barang kadè pè bai Tuhan i nai.